

## Takwane - Ahiyana Maleba Ootaleleya - Wives Scriptures

AEfeso 5:22-24 Ahiyana, mwiiveleelege wa amamuninyu wona mwiiveleeliinyu wa Nabwiya, 23 mwaha mamuna dili musogoleli a mwihiyanaaye wona Kirixtu oli musogoleli a gerezha yaaye. Oliye dili mvulumusi a gerezha. 24 Wona gerezha eneeveleela wa Kirixtu, ahiyana yiiveleelege wa amamuniwa mwa dhaatedhene.

AEfeso 5:31,33 Wona munawogela Maleba Ootaleleya, yiiraga: <<Mwahaya buuyene mulobwana enamwihiyeliye babe ni amaaye, ataganyihedhana ni mwihiyanaaye, abiili ala enakala mwiili mmohive.>> 33 Mbwenye enowoga teto dha ny: mamuna oli aatene amudhivelege mwihiyanaaye wona muneedhiveleliye, mwihiyana oli aatene amuriuhege mamune.

1 AKorintu Owambeela 7:3-5 Mamuna aveleelege mangawa wa mwihiyanaaye aharihaga magano ootela, emodha-modhave teto mwihiyana eeregena yankeeene wa mamune. 4 Vowi mwihiyana kanna owodha wa mwiili waaye, mbwenye mulobwana dinna. Mwa mukalelo mmohive teto mulobwana kanna owodha wa mwiili waaye mbwenye mwihiyana dinna. 5 Kamukooddanage mmohi ni mukwaaye, mwihiire wiiwananelva va mudhidhi woweelengeya wi mwiiveleelege mwa malobel. Mweera ndo mugumanele dila biili wi Sathana onaadhe oweeheni mwaha wohiihiha weenyu.

1 AKorintu Owambeela 7:34 Teto mwihiyana oohuteliwa ni ale ehinagonege ni alobwana enazuzumela dhego dha Nabwiya wi ekale oweela mwa mwiili ni mwa muneba. Mbwenye ooteliwa onazuzumela dhego dha elabo ela, asayelaga wi onamudhivelihe addi mamune.

AKolose 3:18 Nyo ahiyana, mwawiwelelegeve amamuninyu wona Nabwiya munafuneliye.

1 Timoteyo Owambeela 2:11-15 Ahiyana vosuuzihiwa ekalege oomaala ni murima wowiiyeviha. 12 Kaginarumeedha wi mwihiyana asuuizihege naari okala ni othongi va alobwana akalege oomaala. 13 Sowi Adamu dambeele opaddusiwa vooharela Eva. 14 Adamu kaanyengethiwe mbwenye mwihiyana danyengethiwe, okala ohiiwelela. 15 Mowindala mwihiyana onoodha avulumusiwe mowaabala ahima, akalave munroromeloni, moodhivela, akalave moweela ni moofwaneelola.

Wambeela 3:16 Mulugu ahiwogaga wa mwihiyana, wiira: <<Ginoodha geenjedhedhe goyi warubalela, vano nlabo noobala naawo, oneerege woona ovoreya. Oneerege ofuna omulamula mamuno, mbwenye oliye

dineere oolamulelege>>.

- 1 Peduru Owambeela 3:1-6 Ni mukalelo mmohive, ahiyana ooteliwa mwawiiwelelege amamuninyu, mwaha wi oliye akala kaneeweleta madhu a Mulugu, ni mukalelo wa mweeddelo wa mwihiyanaaye akwekweteye, aroromele vihili madhu, 2 oonaga mweeddelo wapama ni woriiheya wa nyovo. 3 Oriya weenyu ohukale wowiiwomihedha odeve wona mathithi owaaluwa ni birinku dha oro, naari guwo dhooterenya. 4 Moohiyaniha, oriya weenyu woohurimeela okale muwari mwa mirima dheenyu, onooniha muneba wofwaasa, womaala, oli wa thima elubale vameentoni va Mulugu. 5 Vowi dhaali ndo, ahiyana oweela mirima awale yowiiriya, emuronromelaga Mulugu, aliwa yowawiwelela amamuniwa, 6 wona Saara amwiwelela Abarahamu amwiiraga <<nabwiya>>. Nyovo mweeragana dhapama muhoovaga yego, munakala ahima a Saara.

Titu 2:1-5 We Titu, osuuzihege nde dhineewanana ni masuuziho ookamihedha. 2 Alobwana anakalaba ekale owiihiha, ekale oriiheya, oowaraala, oolibi munroromeloni, moodhivelani teto a ntidi. 3 Mooliganinha, ayebele yeeddege mwa mukalelo woomuriha Mulugu, ehikalege adhuvudhuvu, ehikalege adhaari a dhoong'wa. Esuuzihege dhili dhapama, 4 yaawaraalihege anamwali waadhivela amamuniwa ni aniiwa, 5 yaasuuzihaga wi ekale oowaraala, oowoma mirima, ookameela pama mmavade mweewa, ekale owawiwelela amamuniwa wi ahikalevo onaanyemulege mutheenga wa Mulugu.

- 1 AKorintu Owambeela 11:5-7,10 Mwihiyana oli aatene onalobelna naari ovuwiha mutheenga wa Mulugu ahikunele muru, onanyemula muru waaye, vowi oli wona wiigile mpala. 6 Mowindo mwihiyana aahikuneela muru, enoofuneya asathe. Vowi sookaliha manyazo osatha, naari wiiga, soofuneya akunele muru waaye. 7 Ebaribari mulobwana kakunelelege mmuruni mwaaye, vowi oliye nladdaniho ni nthithimihon na Mulugu, mbwenye mwihiyana nthithimihon na mulobwana. 10 Mowindo, mwihiyana akalegena owodha mmuruni mwaaye, mwaha wa angero.

Poroveribiyo 12:4; 14:1; 19:13; 21:9,19; 25:24; & 27:15,16 - contentious & angry Ahiyana.

Poroveribiyo 31:10-31 - The Virtuous Ahiyana.